

麻城縣志卷之十九

耆舊第二

仕績

唐

閻公伯璵閻家河人唐進士咸亨二年為洪州都督時征
役繁重公專以惠化招撫州境大治喜文學嘗大會賓僚
於滕王閣才子王勃為序閻公深賞之至今藝林傳為美
談後量移撫州百姓相率隨之舟航相繼其見愛如此到
撫一年復大治元宗朝徵拜戶部侍郎未至卒

舊志

麻城縣志

卷之十九

耆舊仕績

一

明

李寧字景安洪武初知餘干縣才識英敏值羣盜竊發寧
率鄉兵協同官軍擒盜魁遣散其黨數百人歲飢移粟賑
濟民懷其惠勒石以誌不忘

李鼎明經知蒼溪縣九載廉介不易其素致仕歸環堵蕭
然嘗師事喻文偉每過其墓必下馬徒步

楊敬洪武初知富陽縣創置廳宇建立學校寬猛得宜民
懷其惠

鍾亭洪武中知定陶縣有惠政秩滿當遷民奏畱復任

舊志



毛添佐字公輔永樂間由知州署肇慶府事守正奉公敬
賢禮士庶務修舉民思慕之

府志

董紱應軫之子成化壬辰進士知湖口縣清慎惠民縣有
蘇觀渡水齧堤圯紱重築之民被其澤

府志

董性士毅之子嘉靖丁酉舉人授安岳縣撫民以寬馭吏
以嚴課諸生除巨盜斷冤獄民立碑以頌課最以急缺風
憲徵抵京後期未與選擢直隸易州知州至則爲民興利
立邊防永久規甚殫心力以外艱歸易之民奔走悲號戀
慕無已服闋補蜀之合州合於蜀爲劇郡又值歲祲公一

麻城縣志

卷之十九

耆舊
仕績

二

意撫字民無失所三載政成遂乞休歸幼喜豪俠少長乃
折節讀書親師取友服義遷善與人交坦夷專一久要不
忘邑人熊吉爲之傳

府志參
家傳

王本儉字節之成化戊戌進士初授吳縣改豐城父遺詩
勗之因刻石後堂日夕自省由是豐城大治歷桂林副使
會蠻寇譁本儉提兵蕩平之卒於軍

通志

劉天民字養達天和之從弟訓新淦學憲委品隲諸生卷
被錄者餉以金叱還之內艱補常州訓歸田杜門不出子
瀾嘉靖舉人知銅梁孫守泰解元登第吏部主政蓋家教

也 舊志

劉瀾字汝觀號鎖山天民之子嘉靖庚子舉人授銅梁縣縣故多逋賦瀾禁隸卒不得入鄉擾民藉端乾沒惟以牒付族長督率如期人無敢負者有盜魁朱宏仁以賄賂潛通官左右剽劫四十餘年莫敢訴瀾廉得左右主名首置之法又知鄉保長王貴重武勇任俠爲宏仁羽翼瀾密進語曰我故知宏仁所嚴事者汝也汝欲富何不爲官除賊受上賞貴重頓首請死乃私與典史周堯平畫策縛宏仁餘黨悉除尋以憂歸再起補高陽縣多巨璫好以非理撓

麻城縣志

卷之十九

者舊仕績

三

法瀾無所聽璫皆怨爲蜚語謀中之瀾竟拂衣歸

舊志

李正芳字彥碩夙有隱德正統壬戌進士歷東昌南陽知府善政著聞改保寧時趙鐸反正芳率兵討之設奇制勝厥功甚懋累任山西布政去後民甚思之

府志

李灝字士清正芳之子成化己丑進士官至參政事後母

孝友愛諸弟當官廉平父正芳子文祥文欽俱以直聞

舊志

熊祥景泰庚午舉人授浦江縣築城修學建演武場政績

丕著子縝知成都縣有賢聲後知邛州

府志

劉綱景泰丙子舉人知清遠賑饑有方民賴以活創闢學

宮規制宏做均賦役勤撫字士民爲立遺愛亭 府志

宋兌字維東景泰丙子舉人知濰縣專務以德化民不爲

矯激之行秩滿奏留復任後陞濟寧牧 府志

鄒濬天順壬午舉人授石泉縣時經番夷之害民多逃徒

濬善於招撫復業甚眾 府志

毛馭宏治甲子舉人授太平縣綜理有方剖決無滯吏民

不敢欺 府志

熊經字載道成化戊戌進士知無錫有惠政諸生邵瑩吳

學輩皆其所資給墨拔者時有徐姓作石槨於太湖欲毀

麻城縣志 卷之十九 者舊仕績 四

民居關河通舟經弗許六載內召爲人中傷出知陝西隴

州以疾致仕經性剛氣豪善談論敦孝友有東溪集行於

世省志

周載字汝厚號愚齋廷徵子嘉靖鄉薦戶部司務歷員外

會北邊入寇部議遣官督餉難其人載獨往時帥臣屬悍

載與抗禮詢家世知爲廷徵子益重之歷長蘆都轉運使

老於家生平無疾言厲色與人交輒吐情愫人無不愛之

舊志

周鈇字汝舉號魯山廷徵子任河南郊縣縣丞蒞任月餘

值巨盜百人晝劫王兵馬使歸帑報至知縣胆奪不能語
鈇前請曰令惟守藏第以兵授丞丞任獲之遂疾馳行劫
所謂裨校曰賊必從某道出走某道是皆負重可徒手縛
也旣而伏發皆就擒兵巡僉事林騰蛟聞而激賞之曰孰
謂丞一書生而不堪大將印無何令死檄鈇攝邾篆適嚴
嵩私人鄆懋卿者不解臺務而理鹽法以挾重啗喝諸御
史州縣無不贏金奉者邾吏以所見聞請鈇嘆曰丞惟一
身有婦耳何所得數百金鄆至大失望乃出二故篋付典
史緝之鈇曰此欲借爲名耳陰備二新篋典史入以所緝

麻城縣志

卷之十九

考舊
仕績

五

故篋見鄆大怒蹴破之使呼公入盛氣謂曰丞無耳耶不
知我當知御史吾奔走吏也而敢傳客遇我卽敝篋之不
能新將使委臺牘於草莽鈇陽謝曰何者不以屬丞丞飭
新篋二不能遽獻逡巡二篋入鄆視篋則新也而中枵然
愈失望然無以難之管典史而去林騰蛟激賞之曰吾屬
州縣長三十也而僅一周丞男子何寡也林以名御史失
嚴嵩意外授風采益峻獨遇鈇有加禮卧病且死後事悉
以屬鈇曰吾不欲死齷齪吏手也遂改攝宜陽已攝盧氏
治盧之旬日行獄得老吏當戍者飲食之曰以一邑大事

報我當寬若吏叩頭曰左藏贏金三千無知者請爲公壽
公得金具白諸司以充官用後復還邾邾賦繁故有荒額
二千石當蠲盡爲豪右所占民不得邀惠鈇廉狀密白上
官請覈實諸豪爭啐上官議竟格鈇憤投劾歸子宏祖貴
贈監察御史

舊志採王弇州所爲傳

周宏謨字元文宏祖族弟萬厯武進士官遊擊同李如柏
等戰平壤會倭關白陷朝鮮王師敗朝用沈惟敬議令宏
謨同惟敬往諭倭就款還疏倭情甚悉復遣往議封貢至
朝鮮仁施縣病卒贈都督僉事蔭黃州衛千戶

通志

麻城縣志

卷之十九

耆舊
仕績

六

周宏迪字元惠宏祖族弟嘉靖乙卯舉人授灌縣政尙嚴
明後陞石屏州

府志

黃時中字宜之成化乙酉舉人知阿迷州時初設流官百
務肇舉時中善於撫綏得夷民心

府志

舒崑山字楚瞻幼奇穎成化甲辰進士累官副都御史所
至有政績能文章一時金石之作多出其手

明一統志

唐書宏治壬子舉人授四川巫山縣創修石城以爲民衛
至今賴之

府志

陳文宇簡之宏治戊午舉人知崇明縣遇風潮大變奏請

賑濟所活三千餘人又擒海賊施宏父子以抗言忤巡撫
調延川歷戶部員外郎出爲襄府左長史文外和內剛居
官清介在任三十年田廬如故著有自怡集

府志

劉淑相字養忠正德甲戌進士授南京兵部主事武宗南
狩參贊尙書喬宇選一人奉迎諸司皆憚相獨請往得旨
還宇深器焉歷任順天府尹執法秉正權貴憚之未幾與
內閣訐奏下錦衣獄尋歸卒於家

省志

阮朝東字子西嘉靖癸未進士累官四川提學副使不設
町畦廉儉終身若無官者弟朝策亦進士家庭友愛鄉評

麻城縣志

卷之十九

耆舊
仕績

七

高之

陳仲晦嘉靖丁酉舉人任石屏知州治海口建六閘軍民

稱便

府志

周思敬號友山嘉靖甲子舉人隆慶戊辰進士官戶部郎
爲江陵相公張居正所鑒賞後竟以救援臺官忤其意時
論賢之累官至戶部侍郎倭賊起護解糧餉協同大將軍
劉綎討平有功贈工部尙書父祖誥封廕一子賜祭葬餘
詳邑人曹眉昌所撰行狀中

羅樹聲字伯實萬曆癸酉舉人知灌縣以清敏稱西征之

役軍需旁午樹聲供億有方民以不擾又勅觀陞西安府

丞府志

孫一謙萬曆時為南京刑部司獄給囚米甚均衣敝至為

囚浣補一切舊弊釐革殆盡囚深德之秩滿轉靈山吏目

王世貞為詩美其行府志

王之機萬曆壬午舉人歷官四川參政會建昌猺亂之機

受命偕劉綎討之攻克桐槽諸砦大小五十六戰諸猺巢

穴一空改雲南復以才幹機警著績滇藩莊兵為盜機窮

治之與執法忤投劾府志

麻城縣志

卷之十九

耆舊仕績

八

陳楚產字北學困童子試遂以白衣中式成萬曆癸未進

士仕博野知縣清廉勁直百姓稱之遷兵部主事歸里數

十年不起凡縣中利弊輒言於長吏篤交友不以貴賤易

視鄉人咸敬愛焉通志

王育德字澤寰萬曆庚子舉人初知嵩明州東川土蠻之

變以擊賊功陞僉事守永昌佐巡按姜籌策擒斬判蠻馬

一駿分巡臨元規復十八寨觀察黔中銅平蠟耳山苗倡

亂率兵入其界撫之黔賴以安後晉陝西右布政入覲卒

於京通志

王成位號儀寰萬厯丁酉舉於鄉歷任至鞏昌府同知事
繼母以孝聞晚年著易講學不衰

楊之彬萬厯丁酉舉人姚安知州慈衷潔守敏才卓識省
獄訟平賦役蠲苦丁復鹽市修學宮一州利弊盡爲釐舉
其大者開擴城郭功尤茂著府志

熊所師字呂源家貧歲歉有知交餽稻數十斛分給親友
一時悉盡從弟妹不能自存者教養婚嫁之萬厯丁酉舉
於鄉任贛州府推官守將縱兵剝民按法劾罷隨爲州將
所中謫廬州判州有豪強犯法前任屢捕不出所師攝州

麻城縣志

卷之十九

耆舊
仕績

九

事擒置諸法後調北流縣卒櫬歸貧不能葬通志

詹淑字茂修萬厯乙酉舉人授資陽縣在官九年公正慈
廉條陳勸農養生省用恤刑等議皆見施行府志

彭好古字熙陽萬厯丙戌進士知歙縣擢御史歷僉事剛
直不撓風格類古人府志

彭信古字叔錢好古仲弟與伯季俱諸生信古試輒鈍謂
季弟遵古曰爾利於文每冠軍嗣試予與爾易之及揭榜
遵以信文仍擢首乃輟書嘆曰大丈夫奚事毛錐玉門定
遠可按劍呼也遂因武籍登萬厯癸未進士累官朝鮮參

戎朝鮮用兵信古率步兵用大楛擊斃其渠魁眾軍進逼賊濠毀其柵尋以礮裂失利充為事官後叙功賜廕府志

蔡茂春天啟壬戌進士知建德縣歷任福建福州府知府

所至有政聲恤孤設賑勸農立學興利除害無不條舉府志

曹大受字無可萬曆甲午舉人知浙江新城縣理滯獄鋤

巨憝因性鯁介左遷蜀藩典簿會奢賊變募死士擊之以

功擢貴州兵備副使條奏事宜議行見皇明疏議輯錄府志

周制號岐陽萬曆間舉人仕開化知縣潔已愛民民祠祀

之子延齡孫長流俱經明行修之士長流別有傳

麻城縣志

卷之十九

耆舊仕績

十

劉僑字東卿天啟辛酉襲祖莊襄公天和錦衣職授北鎮

撫司魏忠賢屬陷汪文言以株累正人僑不從由是削籍

歸崇禎初起用為五府都督命訊喬允升易應昌事僑素

知二人端方力保全之後委緝六部十三省事僑極言耳

目難信且非政體所宜忤旨謫戍都御史馮元颺疏僑忠

直宜還舊職報可未用而卒省志

周崇極字無所舉萬曆己酉鄉試歷安溪象山南陵知縣

仕南陵時有中涓奉差歸輜重絡繹須役夫五六百人驛

遞不堪其擾崇極令如數往盡傳人泊庫內計蘭花數百

盆崇極碎其一則金珠寶實其中將盡碎之中涓戢抑急出
金募役人咸快焉後陞貴州道僉事時有叛苗都御史執
其魁付治之崇極給苗冠帶且誠曰姑貰汝罪效順則止
不然將盡戮毋赦諸苗喜曰旣釋我罪又榮我身遂相戒
勿叛朝議善之

魯之賢字伯良萬曆壬子舉人任深澤知縣北俗輕生賢
禁溺縊嚴反坐刑以是清他縣疑獄上官多藉讞決奏最
擢御史首劾罷貪撫張明綱巡按宣大會代藩廢長立幼
上疏切論實爲當時國本地也後卒於官

通志

麻城縣志

卷之十九

耆舊

十一

周邦璟號柱明萬曆癸丑進士行人擢監察御史督學南
畿名流多出其門魏璫時削籍崇禎朝起河南道入司京
察徙太常卿晉大理寺遷南京兵部侍郎爲人厲廉隅寡
言笑

劉鍾英字俊卿號大凝萬曆癸丑進士官翰林值梃擊東
宮一案舉朝沸騰或勸上章公曰皇上誠慈皇太子誠孝
忍不爲君父畱餘地耶明旦太子果下令曰張差癡人打
死便了外廷何得有如許話說眾乃服其識天啟辛酉典
試閩闈崔田等嘖不附黨削籍歸自是楊左周夏以次逮

獄一日都御史梅之煥憤甚過某言謂往京一語伴楊左諸君死公從容爲言忠激忘身無異抱薪救火向使唐李訓鄭注少濟以狄梁公之學問何至仇士良殺二王一妃四宰相耶梅意乃解崇禎戊辰起洗馬司業祭酒尋遷禮部侍郎再疏乞養疾歸性醇篤不喜聞人過居官不附黨不沽名不越職言事

田生金弟生芝萬曆間均進士金歷官太僕卿有節鉞聲望芝累官通政使兄弟皆貴顯芝初知密雲縣餉運孔棘縣解額豆繁苦芝力行海運以便之

舊志田生金傳頗與正史不合今改與生芝合傳

麻城縣志

卷之十九

耆舊仕績

三

陳鵬舉字雲卿號六息天啟丁卯鄉薦任定遠學博署篆禦賊有方畧陞蔚州守遷刑曹郎

鮑之祥字若孩崇禎辛未進士臨川知縣時軍興加派祥不忍鞭朴涕泣勸諭值編審召里長聚庭下面均徭役吏不敢欺疏布自奉如寒素

府志

余士瑞字季美崇禎丁丑進士任福清縣節操清介以理學倡教化後官九江節推適左良玉兵下江南至九江關上大肆虜掠官民屏息士瑞仗義切責良玉左右兵之斷其手股受重傷而死時論憤之此宏光甲申年事

嚴毅字近仁以明經選授教諭俱載府縣舊志其家乘備載其陞授萊蕪縣知縣引見時建言稱旨任萊蕪擒捕盜賊斷獄平允有古良吏風

曹巽之字子舉曹大受之子曹應昌之父崇禎庚辰歲以明經謁選得雲南雲州同知蔣朝臣叛圍雲州累月巽之率敢死士衝賊營斬獲數百賊潰州圍解功上聞晉順寧郡守至今稱爲名宦云

見雲南名宦志

國朝

項始震順治丁亥進士授縉雲知縣時山寇縱橫鄉邑殘

麻城縣志

卷之十九

耆舊仕績

三

破始震招撫之寇散民間婦孺子散失者捐金贖歸陟

大理同知

府志

王有容字自牧爲龍巖知縣時方軍興徵夫取餉羽書旁午有容多方爲民請命乘便增城浚濠儲糧置械及漳郡失守巖孤城無援有容乞師於贛與民瀝血死守賊逼城有容調兵據勝屢挫其鋒賊解去城賴以全

通志

汪淑問字邁陶順治己亥進士隸爲知縣安輯流遺縣人

德之

府志

王元士字大周號九山順治辛卯鄉魁己亥會魁任浙江

定海縣因海防禦賊有功陞廣東瓊州知府在任除負鹽
陋規搜明邱濬海瑞後裔拔取之士民稱頌不衰推陞羅
定道未任卒

程浩字天行號知庵父自勝號崑岡厚重有禮明萬厯間
授靜海典史清介有惠政卒以鯁直忤縣去士民皆哭送
之生二子長達字大行府庠浩其次也少穎異好學能文
十四入泮食廩餼應順治八年拔貢生授通判改授河南
按察司經歷巡撫賈漢復聞其清介委署臨潁民多便之
署虞城閱月以俸滿轉台州同知時海寇鄭成功航帆出

麻城縣志

卷之十九

耆舊
仕績

古

沒無常浩日與知府郭曰燧等協辦軍務厯府縣考試公
明有聲復攝黃巖篆告病歸行李蕭然其清介始終如一
若未常出仕者初浩以拔貢生入都甚有才名結納亦廣
朝考時晤同科貢生羅載惇述及生庚遇合無不相同遂
視若昆弟後羅陞黃州守卒於官家口不能遽歸浩寄帑
歸橐有古人風此其致政時軼事云

胡躍龍字羣吉公國子順治辛卯舉人壬辰進士任鄖陽
府教授時府經兵火鬻官未及修理躍龍捐貲重建值西
山遺孽跳梁頻年大兵進勦委給糧行間士無譁者連攝

田四十石兩院保舉署沅江縣

萬象字天成爾雅能詩康熙中以銓選授新貴縣陞黃平州知州再任山西解州知州恪恭乃職治著循聲折獄惟良平反尤多允當旋爲大吏以清廉上薦轉用刑部山西司郎中

鄒汝魯字鈍齋康熙丁卯舉人辛未進士初任清豐縣清豐錢糧舊以富民催編戶差役催富民甚苦之汝魯力去其弊一時完納甚速縣人學止十五六名汝魯設義館勸考課月捐俸以給薪水督學按臨取進二十二人再任

麻城縣志

卷之十九

言善仕績

六

獲嘉縣夏秋逾期未雨汝魯至潔蠲虔告下車而甘霖大霑縣西有來雲寺東西二院界與延津縣接居民置地二十四畝爲香積資明末寺廢地失墾後構訟兩縣各爲袒護汝魯剖折之俾各得一十二畝訟端頓息兩邑均帖服簡命行取陟御史轉爲大理時有家人以事誣其幼主者獄上汝魯托疾未署押因得緩獄大吏隨雪其冤有知縣杖奸民斃仇家夜竊尸懸周元勛門縣役與周有隙誣周重獄申部汝魯駁之得白爲僉都御史時克振風紀蒙賜石硯詩文外任奉天府府尹雖性至嚴毅好獎勵後進

平反庶獄

憲皇帝時任太常寺卿因獻黃河清頌徵引錯謬罰修荆
州堤著有鈍齋文稿行於世

王楠號頤中康熙丁卯舉人候補中書改授常德武陵教
諭著有周易本義補選程墨華寶集以授諸生詳請興革
十要重修文廟兼修堤埝朔望課文二藝撰武陵人文一
卷丁酉大計巡撫李發甲表薦第一授羅源縣蒞任卽捐
修文廟興義學修縣志訟皆立決捕盜如神伸理冤獄不
避權要署閩縣時有把總被誣侵蝕馬價擬斬楠理其冤

麻城縣志

卷之十九

耆舊
仕績

七

將軍不憚楠曰職在核實縱奸廢法故殺負心官可去勘
不可更也己亥巨盜薛彥文橫肆五縣震動楠密示捕員
二更於城東獲奸宄爲內應者次日協同營將入山搜獲
賊首眾黨悉平巡撫黃國材特薦因老病乞休士民感德
鐫碑志之長子文焯邑庠生次文煊籍常德沅江歲貢
鄒汝謙字謙公由貢授岳陽縣潔己愛民掃除一切陋規
修學宮培書院文風大變岳俗輕生多株連無辜謙訊明
卽令押埋莠民不能獲利全活者眾鄉愚不識禮教同宗
無服輒聯婚謙諭以百世不通之義違者立杖斷離風俗

以正岳民勒碑以紀其實再攝靈石潞城篆人咸戴德乞
休歸里布裳徒步晏如也

王琬字序周性醇厚動必以正善屬文中康熙三十五年
鄉試在山西試院衡文極公正人不敢干以私任岳州教
授有廩生某以事得罪岳州知府必欲褫生名琬固護得
免後某生力學成名亦任湖北教職士論亟稱之其孫聯
登賢書早入仕籍咸以爲隱德之報云

蔡仕本姓王康熙乙酉舉人任湘潭教諭補諸生時路拾
遺金四錠日暮俟遺金人來尋詰實盡還之是科仕卽登

麻城縣志

卷之十九

耆舊
任績

六

榜

曾謹字麟書號嚴山康熙己丑進士館選授翰林院檢討
充典訓館纂修自少有聲庠序閒刻約清操士林推重年
四十餘始捷春官在都供奉有年性鯁介不妄交一人不
輕投一刺五旬後卽賦遂初家近龍湖時往來於其間有
先輩周柳塘耿楚侗遺風所著嚴山詩文集若干卷多采
入宗聖族譜中

鮑啟泌字師鄴號念齋雍正丙午副榜保舉任湖南石門
縣縣多虎患及泌到虎多遁去調任通道除採買轉長沙

通判承修貢院除開銷帑項外捐銀四千餘兩號舍一新
署衡州府適通道煤密嘯聚大吏因泌任通道時撫御有
方檄委查驗卽單騎往曉以大義責懲首犯數人餘悉省
釋苗民帖服蓋其居官清正所致也

甘學溇字石泉號簡齋乾隆壬戌進士任江西興安知縣
性廉潔不苟取政簡刑清與民休息下車卽修造岑陽書
院延師教育文風丕振邑有某僧犯奸餽重金不受又有
富人牛死人誣以私宰爲之辯明後餽酒內藏白金召其
人笑還之其清操類此以大計解組歸先是武生毛明經

麻城縣志

卷之十九

耆舊
仕績

九

爲縣訟師屢被斥責常語人曰渠不愛我我卻愛渠不過
要我做好人耳至是率縣中士民萬人流涕餞送歸家後
隱居東山無長物不計有無時有江姓懷厚賄求干謁公
庭答曰吾平生如婦人守寡豈肯臨老嫁人耶江負慚而
去刻有簡齋文稿及口頭語詩子椿縣學生

吳家駒號栖堂乾隆甲戌進士授霍山縣縣當孔道舊苦
供給家駒除勘合外無所與民賴以安聽訟無畱牘鄰縣
疑獄多委決信陽富民杜姓因姦殺人投刀而逸州弗能
決家駒廉知死者爲杜舊佃遽令決庄前塘水落而七首

見徑拘杜以刀合傷處昭合遂伏罪甲午歲大祲固始縣報歲失實民攜稿苗質告知縣夜逸大吏委家駒往撫境內帖然所至多平反呼吳青天四校鄉闈所拔皆名宿任十二年擬薦卓異以疾歸民遮道攀轅依依不忍舍去

鮑棟字宇週廩貢生知州署印江縣鄰縣歉收搬運者眾米價頓長棟諭富戶減值出糶有廖戴吳三族互爭田界訟數十年不決棟往勘無所可否置酒勞之三姓者皆幡然悔願以爭界廢爲閒壤任鎮遠適滇省徵兵所辦夫役例按赴差時日給食集人守候概使自食棟捐貲給之轉

麻城縣志

卷之十九

耆舊仕績

三

仁懷同知向例廳學止六名詳請廣額三名文風因以蔚起戊戌因公赴省道見民多菜色稟請大吏捐廉賑濟遂於省城外設二廠施粥飢民大蘇以卓異引見卒於京鄭文坦由附監捐通判任四川攝廣元捐建義學置學田任彭水縣屬通衢役夫工食素爲胥吏侵蝕乃捐銀給夫懲胥吏勒碑杜弊在緜州時有蕭姓先與貧生婚後嫌貧悔之坦捐俸三百金爲生置田宅斷蕭女歸生生以力學

成名

鮑材字作舟附貢生居家孝友處世端方任雲南嵩明州

知州一以廉潔自矢不久卒於任

成倫字展言學富品優乾隆癸亥癸未兩爲修學宮及修鼓樓首領以廩貢任孝感縣訓導三署教諭事慤勲訓課和易嚴明奉委編查俗淳恥格舊有學舍傾圮自解囊修葺加增維新歷九年以疾告歸士人思慕不忘述之碑誌侯映甲字麗山庚辰經魁初授祁門縣廉明果斷試童子杜鎗冒弊絕風清調蕪湖捕蝗有功陋規悉屏以丁母艱服闋分發甘肅投高臺縣卒於任子幼扶櫬歸家徒四壁無朝暮資未幾其子亦卒無繼祠者豈廉吏可爲而不可

麻城縣志

卷之十九

者舊仕績

三

爲耶

胡翔靄字裔雲號晴河乾隆乙酉舉人由內閣中書任杭州通判遇事勤敏委辦兜盤頭海塘眾議撤舊柴塘翔靄不可外仍柴塘內加石塘工始就杭州多火災羣不逞輩因火搶奪翔靄諭令拆民房斷火路其救火兵丁及諸無賴不得藉端搶奪違者按律境內肅然歷署九郡所在有聲卒於任著武林遊草四卷

此上舊志

王勸乾隆乙酉舉人大挑一等揀發江南知縣歷任金山奉賢南匯華亭諸縣調任邳州泰州太倉諸州陞太湖廳

同知所至有政聲崇祀望海樓名宦祠

梁景陽字鳳喈號梧岡乾隆庚辰 恩科鄉試第一己丑
成進士歷官吏部郎中由科道累至太僕寺少卿廉介誠
摯與人弗欺尤篤於故舊之誼有同年友卒於京無子遺
三女無所歸因爲嫁其長女而携次幼者返里各爲婚於
名家都中麻邑會館創自明代館基被侵棟宇亦就地贖
而新之邑人感悅咸踴躍助資以竟其事規畫經營皆景
陽身任之並詳會館碑記居諫垣歷京卿所陳奏多削草
不矯激以沽名而請彌封硃卷以杜關節一疏得 旨施

麻城縣志

卷之十九

耆舊
仕績

三

行纂入科場條例人始知出於景陽云乙巳歲以年逾六
十預千叟 賜宴後致仕而歸

毛正坦號循齋由監生考授兩淮鹽大使歷任江蘇句容
寶山等縣知縣政聲卓著巨盜宋久和積案未獲坦率役
擒之築海塘堤岸民皆利之至今呼爲毛公堤云後升太
湖廳同知以歸

程琮字瑞玉號惕齋父漢安有學行未遇琮中乾隆癸未
會魁由卽用知山西垣曲縣三年清廉有聲旋以艱歸紗
授自給成就者甚眾

程德楷字憲甫號松亭生有夙慧少爲詩文喜西崑體識者早卜其爲國器乙丑進士由編修任福建主考貴州學政時黔省教匪煽惑奉 旨撰刻訓士論并訓民說頒發各府縣以曉諭大學士曹振鏞以家學淵源人品端正薦入上書房授惠親王讀攝授皇長子讀時西域蕩平進呈賀詩有天子當陽位人間奏凱聲之句特蒙 嘉賞旋視學江西以光祿寺卿卒於京邸惠親王親臨奠醊奉 旨歸葬於望花山南之羅家土橋

附訓士四論一日讀書書不可不讀而不讀無益之書斯爲善讀書五經四書皆當整讀全本兼習各經本注

麻城縣志

卷之十九

仕績

三

熟讀深思若割裂全文如五經類編四書類聯等書卽或強記亦屬剽竊何能貫穿洞達爲有本有原之文以取科名以正學術邪余前閱黔省書坊書目卽四書高頭講章已不下三四十種此皆坊賈輾轉勦襲易新名而索厚貲紛置案頭徒亂人意耳故不特淫詞小說足長姦邪釋咒道書或於罪福固讀書人所不應寓目卽當讀之書亦須慎擇善本務嫻熟乎經文無分馳於俗講甯讀全經而迂而所趨者正毋讀類書而捷而其用有窮也諸生勉之二曰明倫學校以明人倫也士人身列宮牆敦倫乃其首事然或拘於氣稟之粗浮或起於財利之計較以致家庭失序親屬參商吁可怪也夫五倫莫大於君臣莫切於父子卽以父子之閒言之設爾不能孝養父母爾冥然於父子卽以父子之閒言之設爾冥然乎爾甘爲不肖之子爾悞然也爾更生不肖之子爾竟悞然乎由是而推之兄弟夫婦朋友知爾等當局則多不覺易地則仍不安也諸生念此孝弟之心有不油然而生乎且孝友爲分內事處難處之地不必共見其心也名教自有樂地切勿因身外之物而汨其本來

之天也由是居鄉以身立教而俗黨於善至達而為官
即為好官無負朝廷養士之意則君臣之倫亦由孝弟
而立其本矣三曰守分士人讀書敦倫分也若干預外
事非分也且朝廷責爾者嚴正待爾者厚今若干預外
節夫鄉黨而愚者耶爾忍欺之耶鄉黨不盡愚者耶爾
能終欺之耶甚至與書差鄉約表裏為姦甘處卑污自
罹憲典諸生清夜思之讀聖賢書而忍與若輩相近乎
爾黔省發跡科名流譽州黨者皆讀書敦倫之人非干
預外事之人也豈目擊而未之思乎且其干預外事不
過曰為飢寒也則君子宜固窮為不平也則君子宜懲
忿更為縱欲也以不義之財而助非禮之動禍可立而
待矣吾願諸生中偶蹈此愆者勇為改之無貽後悔可
也四曰宣教士人品端行正者不過訓子弟授生徒此
外皆非其事也若井間之間偶有匪人偶有忿事雖閉
戶可也今以勸化鄉鄰之責望之諸生不幾令其干預
外事乎而非也干預外事者地方無事挑之剔之必使
其有事而後止地方有事峻撥之詐騙之或挺身作證

麻城縣志

卷之十九

耆舊
仕績

雷

或暗地寫詞必令其事刻不能已而遂其所欲也此其
人能不愧於名教乎勸化鄉鄰者平日立身修行既足
取信於人當其周旋宗族姻黨之間遇父言慈遇子言
孝遇兄言友遇弟言恭遇明白人說道理遇愚蠢人說
報施彼一鄉一井未必不感動也及偶有事故除命盜
案件不可干涉外相其人其事之可以教者平情而解
忿戾無令其交質於公庭片語而悟冥頑無使其抱慚
於倫理朝廷榮爾以衣衿籲爾以科第正以士子為四
民之表率也余於齒德之生有厚望焉

程德模字端甫德楷胞弟以廩貢授大冶訓導文風以振
士習以端程氏自明海防同知浩以來歷世青衿傳至本
朝其會孫里字漢安學行優厚累積陰德其子孫進士二
鄉舉五副車二貢選八諸生十有五人感慕其世德云

程德懋字禧甫號伯亭德楷從弟以副貢授咸甯教諭講
授生徒不倦新進以贄見者未嘗計其厚薄也或不率教
者傳諭勸導給以饗殮俟其自悔而遣之士林至今稱頌
陳五典字慎齋嘉慶丙子舉人大挑一等以知縣分發陝西
歷署葭州平利臨潼等縣實授麟遊縣所至多惠政致歸
歸秦中父老遮道攀轅不忍其去

鄒慕嶧邑庠生年五十九貴爲郎出任清苑有能名升知
霸州三年教化大行秩滿受代攀留者塞道大吏聞之逾
年復其任士民間公再至老幼歡迎錄唐人句獻聯云郡

麻城縣志

卷之十九

耆舊
仕績

三

人重得黃丞相童子爭迎郭細侯至今傳之

梅茂南號庾村嘉慶辛未進士歷任河南輝縣陽武鹿邑

廣東定安知縣推陞內閣中書少有文名居官廉毅宰鹿

邑時河決捐鉅貲以救民患人咸賴之明斷無私有青天

之稱分校鄉闈得人尤盛商城周文勤公祖培其首薦士

也一見稱爲偉器國朝豫省作相自周始一時號爲知人

羅文樞字北一號愚溪初中副車旋登道光己亥正榜性

伉爽少負遠大志慨然思有用於時常往來楚蜀間識其

魁豪與商賈中之奇特者黃郡人客於巴渝尤眾咸信任

之文樞且讀書且學賈不爲奇贏居積之計而揮霍包舉
十餘年手創數十萬金自奉約而爲施博凡仕宦行旅與
夫寒畯之交遊有求輒應所成義舉如童試卷價會試賓
興本族祀田諸事共捐數萬金而隨時因事濟人緩急者
不與焉旋以內閣中書改外任以知府需次四川歷署龍
安潼川等府習知民隱遇事立斷屬吏衙胥莫敢欺者咸
豐中東西川寇盜橫行蠡起豕突而郡境防堵嚴密賊不
敢窺樞旋以年老致仕生平所創業屢躓屢起人以陶朱
公三置千金爲比然樞每自歎謂當兵單餉匱時不能進

麻城縣志

卷之十九

耆舊
仕績

三

試所長爲唐劉晏宋陳恕之續而收足食足兵之效也教
子孫以讀書守分爲務雖家計饒裕而勤學不替多籍名
弟子員者

袁學濬號蓮渠從叔父金溪遊於江漢書院有文名道光
庚子鄉闈中式咸豐間偕邑人王大莖等練勇出境勦賊
旋保舉知縣揀發江西歷署泰和萬安縣事所至有聲初
任泰和時值隆冬兩山均有踞賊學濬僅帶二十餘人乘
夜舉火從中道入賊不知多寡不敢動旋有賊眾攻城登
陣守禦歷兩月餘城賴以全居官判斷明決積案一空去

日祖道者近萬人尋加知州銜補萍鄉縣自萬安赴省積勞卒於舟次

夏梧字鳳儀號曉亭幼聰穎及長倜儻不羈才情颯發爲文頃刻就尤喜標立新義迥絕恆蹊與同里余雅祥讀書雲臺寺中互相砥礪或論古不合反覆爭辯頃刻揮洒數千言不伸其說不止邑侯鍾公榮光並賞之嘗目爲東山二俊道光己酉鄉試中式春闈屢薦不第咸豐初粵亂作梧首與祥倡團練議曉鄉人以大義東北各鄉起而應之九年合邑團練立禮右營撫軍胡文忠公使主營事督團

麻城縣志

卷之十九

耆舊仕績

七

勇佐成軍門大吉斃首逆龔瞎子於松子關以軍功保知縣分發直隸值鹽匪北擾梧奉直督曾文正公檄率勇往勦以功加運同銜提補武強縣知縣初政赫然未幾卒詩文俱散佚

程鵬字九希咸豐己未舉人聰穎絕倫才思藻麗幼有神童之目嘗受知於邑侯鍾公榮光其業師黃安劉崑圍觀察尤激賞之屢上春官旋由揀選分發福建知縣歷任霞浦閩縣南安莆田政聲卓著有古循吏風分校鄉

尤盛

